

**SEIU 2015 KEV NCAJ NCEES RAU TAG NRHO TXOJ KEV CAI POM ZOO YUAV  
UAS MUAJ NTAU TXOJ LOS UA KE (OMNIBUS RESOLUTION)**

**Ntawm tias**, SEIU Local 2015 nws yog California lub koos haum rau cov neeg ua haujlwm rau ntawm Txoj Kev Tu Neeg Mov Ntev Mus yuav los tso tawm lub hwj chim ua ke (collective power) ntawm cov neeg ua haujlwm rau hauv txoj kev tu neeg mob ntev mus, lawv tsev neeg, thiab ntawm lawv cov zej zog, los ceev lub hwj chim ntawm kev technology, thiab los tsim ib txoj kev tawm suab dav los mus cuam tshuam tej kev tsis ncaj ncees uas ib txwm muaj, kom los mus muaj kev hloov (change) tuaj mus tag li (lasting) rau ib lub neej kom muaj kev ncaj ncees ntau dua rau sawv daws, thiab;

**Ntawm Tias**, nyob rau xyoo 2017, SEIU Local 2015 cov tswv cuab sawv daws tau los mus pov npav pom zoo rau peb Daim Ntawv Kev Cai (Constitution) thiab Cov Kev Cai Tswj Kav (Bylaws) uas nws los mus txhais peb cov kev tseem ceeb xav tau ua ntej rau ntawm peb lub koos haum uas yog tau los mus muab hu ua peb Daim Liaj Txheej ntawm Kev Ncaj Ncees (Justice Agenda); Kev Ncaj Ncees rau Kev Nrhiav Noj Haus (Economic) & Neeg Ua Haujlwm (Worker), Kev Ncaj Ncees rau Vaj Tsev Nyob, Kev Ncaj Ncees rau Cov Neeg Tuaj Lwm Lub Teb Chaw (Immigrant), Kev Ncaj Ncees rau Neeg Raug Plaub Ntug (Restorative), Kev Ncaj Ncees rau Tej Chaw Nyob Ncig ntawm Tib Neeg Nyob (Environment), thiab tsis ntev tom qab tau ntxiv qhov Kev Ncaj Ncees ntawm Cov Neeg Mob Ua Tsis Taus Haujlwm, thiab;

**Ntawm tias**, nyob rau ib lub sijhawm uas muaj kev sib cais tob heev rau ntawm peb lub teb chaw cov tswv cuab ntawm SEIU Local 2015 tau rov los mus txiav txim los mus ua txhua yam li ntawm peb lub hwj chim los muab tag nrho cov neeg ua haujlwm ntawm txoj kev tu neeg mob ntev mus los koom tes ua ke, peb tsev neeg thiab peb cov zej zog hauv California thiab nyob thoob plaws lub teb chaw no los mus nrog peb tauj xub rau peb daim Liaj Txheej ntawm Kev Ncaj Ncees thiab **Kev Ncaj Ncees Rau Sawv Daws**, thiab;

**Ntawm tias**, qhov tseem ceeb rau ntawm peb txoj kev uas peb xav tau (success) rau ntawm peb Daim Liaj Txheej ntawm Kev Ncaj Ncees thiab Kev Ncaj Ncees Rau Sawv Daws nws yog nyob rau ntawm qhov los mus tsim ib txoj kev tawm suab khov kho (powerful movement) los ntawm cov neeg ua haujlwm uas yuav los mus tshem tawm tej kev nyuaj (barriers) uas los mus tiv thaiv cov neeg ua haujlwm rau ntawm los mus nyob tau rau ib lub union. Vim yog li no, los mus ua kom peb lub union lub zog loj zuj zus tuaj, kom los mus cia tau tias (guarantee) txhua tus neeg muaj peev xwm los mus koom tes dawb paug (freely) thiab txaus nkaus (fully) rau peb txoj kev kom pej xeem muaj suab (democracy), saib kom zoo tias txhua tus neeg yuav muaj kev mus cuag tau txoj kev tu neeg mob ntev mus, thiab tias cov neeg ua haujlwm ntawm txoj kev tu neeg mob ntev mus lawv tau raug saib muaj nqe, hwm, thiab tau txais kev qhuas (rewarded) ncaj ncees, thiab;

**UNIONS RAU SAWV DAWS**

**Ntawm tias**, peb ntseeg tias txhua tus neeg yuav tsum muaj txoj cai los mus koom rau ib lub union dawb paug, thiab;

**Ntawm tias**, muaj tshaj li 1.5 laab tus neeg ua haujlwm rau ntawm txoj kev tu neeg mob ntev mus hauv California uas tsis tau nyob rau ib lub union thiab vim yog li no lawv thiab li yuav los mus sib hais tsis tau kom tau nyiaj them xuab moom siab dua thiab kev pab mus kho mob kom zoo dua, thiab;

**Ntawm tias**, muaj tshaj li 85% ntawm tag nrho cov neeg ua haujlwm hauv California tsis muaj lub union los ua tus sawv cev thiab yog li no lawv yuav tsis los mus sib hais kom tau nyiaj them xuab moom, cov kev pab mus kho mob, thiab qhov chaw ua haujlwm kom muaj zoo dua tuaj, thiab;

**Ntawm tias**, peb qhov peev xwm los tsa txoj kev ua haujlwm kom muaj zoo (standards) rau California cov neeg pab tu neeg nws yog nyob rau ntawm qhov los mus tshem (demantle) cov kev nyuaj (barriers) uas los mus tiv thaiv laab cov neeg pab tu neeg mob ntev mus rau ntawm los mus nyob rau ib lub union, thiab;

**Ntawm tias**, SEIU Local 2015 cov tswv cuab yog cov yuav ua tau haujlwm zoo tshaj rau ntawm los mus caw cov neeg ua haujlwm uas tsis tau nyob rau hauv union kom los mus koom rau peb lub union thaum lawv tau txais cov kev pab (tools) thiab txoj kev ntse/kawm (knowledge) los mus koom, thiab;

**Ntawm tias**, qhov los mus tauj xub rov qab rau cov kev hais tsis zoo (attacks) tuaj rau cov unions kom qhov kev tawm suab rau ntawm cov neeg ua haujlwm (labor movement) tsis muaj zog tuaj yuav tsum kom yog muaj cov coj uas ntseeg tias txhua cov neeg ua haujlwm yuav tsum muaj txoj cai los mus muaj kev tawm suab nyob rau ib lub union, thiab;

**Ntawm tias**, peb tau los mus txiav txim siab los mus hloov cov kev cai hauv California thiab thoob plaws lub teb chaw no es ua li no cov neeg ua haujlwm ntawm txoj kev tu neeg mob ntev mus thiab li los mus sib koom tawm suab tau, thiab;

**Ntawm tias**, SEIU Local 2015 nws nyob rau ib qho zoo chaw (positioned) uas yuav los mus muab cov neeg ua haujlwm uas tsis tau nyob rau lub union ntawm txoj kev tu neeg mob ntev mus rau hauv California uas muaj ntau hom neeg thiab muaj ntau qhov chaw uas peb ncav tau mus txog kom los mus sib koom tawm suab, thiab;

## **PEJ XEEM MUAJ SUAB (DEMOCRACY) RAU SAWV DAWS**

**Ntawm tias**, SEIU Local 2015, uas yog sawv cev tshaj lawm 400,000 tus neeg ua haujlwm rau hauv txoj kev tu neeg mob ntev mus uas nyob thoob plaws rau hauv lub xeev California, tau txiav txim siab los mus tsa peb cov suab nyob rau qhov txheej txheem los mus sib tw xaiv tsa (electoral process) rau ntawm qhov los pov npav thiab qhov kom muaj neeg tuaj nrog koom tes (participants) nrog rau peb qhov kom pej xeem muaj suab (democracy), thiab;

**Ntawm tias**, SEIU Local 2015 cov tswv cuab ntseeg tias lawv yog co neeg nquag (active) thiab rau siab tuaj nrog koom (engage) rau peb txoj kev kom pej xeeb muaj suab (demoncracy) tag lub xyoo, tsis yog rau thaum muaj kev sib tw xaiv tsa xwb, thiab;

**Ntawm tias**, SEIU Local 2015 yuav los nrog hais lus kom muaj (advocate) ntxiv mus cov kev cai (policies) thoob plaws rau ntawm lub xeev thiab hauv cov zos uas kom muaj txoj kev los koom tes nrog rau peb txoj kev kom pej xeeb muaj suab (democracy) ntau ntxiv tuaj, thiab;

**Ntawm tias**, SEIU Local 2015 cov tswv cuab ntseeg tias peb yuav tsum los siv peb txoj cai los mus pov npav thiab los koom tes rau peb txoj kev kom pej xeeb muaj suab (democracy). Peb kuj muaj ib txoj haujlwm yuav tau ua los mus txhawb dag zog (empower) rau lwm co kom los mus ua ib yam li, thiab;

**Ntawm tias**, los mus xaiv cov phaj ej (champions) rau ntawm cov neeg ua haujlwm ntawm txoj kev tu neeg mob ntev mus thiab peb tsev neeg nws yog ib qho tseem ceeb heev rau ntawm los mus kom cov neeg tu neeg hauv California tau txoj kev hwj thiab muaj peev xwm los mus ua lawv cov neej kom raug saib muaj nqe; thiab

**Ntawm tias**, SEIU Local 2015 cov Captain ntawm Txoj Kev Kom Pej Xeeb Muaj Suab (Democracy) lawv yog cov los mus pab txhawb dab zog rau lwm cov tswv cuab ntawm peb lub uion hauv cov zej zog uas peb nyob rau ntawm qhov los mus muab rau lawv cov kev pab (tools) uas yuav pab tau lawv ua ib co neeg uas koom tau rau peb txoj kev kom pej xeeb tawm suab (democracy), thiab;

**Ntawm tias**, txawm California twb tau ua ntau yam zoo ntxiv rau qhov los mus txhawb nws txoj kev kom pej xeeb muaj suab lawm los nws tseem muaj tej cov kev cai (policies), kev ua haujlwm (systems), thiab txheej txheem uas tseem txwv txhua tus neeg hauv California rau ntawm los mus siv tau lawv txoj cai los pov npav, uas muaj tabsis tsis tag rau qhov ua heev heev tuaj (intimidation) rau tus neeg pov npav thiab ua kom cov neeg pov npav muaj tsawg (suppression), thiab;

**Ntawm tias**, SEIU Local 2015 ntseeg khov kho rau qhov los mus muab txoj kev ntxub raws hais neeg ntawm kev ua haujlwm (structural racism) kom tshem ploj mus (eliminate), uas yuav txwv txoj kev peev xwm ntawm tag nrho cov neeg hauv California txoj kev los mus koom tes tau nrog rau peb txoj kev kom pej xeeb muaj suab (democracy), thiab;

**Ntawm tias**, SEIU Local 2015 yuav los mus muab saib tseem ceeb ua ntej tauj mus rau ntawm txoj kev kom cov pojniam uas tsis yog neeg daws, cov neeg tuaj lwm lub teb chaw tuaj (immigrants) thiab cov hluas uas yog cov neeg poob qab rau ntawm txoj kev los mus pov npav kom los muaj txoj hauv kev los pov npav zuj zus, thiab;

**Ntawm tias**, SEIU Local 2015 tau los mus txiav txim siab los mus pab kab li 2.5 laab tus neeg uas muaj ntaub ntawv nyob rau meskas teb (permanent residents) uas nyob rau hauv California lawv muaj cai yuav los ua xam xaj kom los tau ib txoj kev (path) los mus ua kiag tau xamxaj pej xeeb neeg meskas thiab ua li no thiaj li tau txoj cai los mus ua cov neeg koom tes rau peb txoj kev kom pej xeeb muaj suab (democracy), thiab;

**Ntawm tias**, peb tau ua tau ntau thiab zoo heev (significant strides) rau ntawm los mus muab neeg los cuv npe pov npav thiab muab neeg tuaj mus koom pov npav ntau zuj zus rau hauv California rau ntawm qhov los xaiv cov coj uas ntseeg rau txoj kev txhawb California txoj kev kom pej xeeb muaj suab (democracy) khov kho tuaj mus, nws tseem tshuav ntau yam peb kuj ua tau ntxiv los mus tshem cov kev nyuaj (barriers) tawm kom muaj kev tuaj koom tes tau tag nrho (full), thiab;

## **TXOJ KEV TU NEEG MOB NTEV MUS RAU SAWV DAWS**

**Ntawm tias**, SEIU Local 2015 nws yog lub union loj tshaj plaws rau cov neeg pab tu neeg mob rau ntawm txoj kev tu neeg mob ntev mus rau ntawm lub teb chaw no, nrog rau tshaj lawm li 400,000 tus cov neeg pab tu uas los muab kev pab (services) rau cov neeg laus laus thiab cov neeg mob ua tsis taus haujlwm lawm rau tom lawv lub vaj tsev nyob, cov tsev tu neeg laus ua mob (skilled nursing) thiab chawv pab cov neeg laus nyob (assisted living facilities) uas muaj thoob plaws rau hauv California, thiab;

**Ntawm tias**, California nws npaj yuav pom muaj (projected) li 106,500 tus cov neeg laus laus uas yuav nyob rau cov tsev laus rau thaum 2030, ib qho nce li 15,000 (los yog 16%) ntawm 2012, thiab;

**Ntawm tias**, nyob rau ntawm 2015 mus rau 2030, cov neeg hauv California uas muaj hnuv nyoog siab tshaj 65 yuav muaj nce li 73% ntawm 5.2 laab mus rau 9 laab, thiab;

**Ntawm tias**, txog rau 2030, yuav muaj tshaj li ib laab tus cov neeg laus laus hauv California uas yuav tsum kom muaj kev pab hais txog ntawm Tej Kev Uas Tseem Mus Ua Si Tau rau ntawm Lub Neej (Activities of Daily Living) thiab ntawm cov kev pab (services) thiab txhawb (support) hauv txoj kev pab tu neeg mob ntev mus (LTSS), thiab;

**Ntawm tias**, ntxiv nrog rau cov neeg laus laus, cov najnpawb rau ntawm cov pib laus (younger adults) uas muaj mob ua tsis taus haujlwm nws kuj pom tias yuav nce li 20% rau 20 lub xyoo tom ntej rau hauv lub xeev, thiab;

**Ntawm tias**, txoj haujlwm ntawm kev tu neeg mob ntev mus nws yog sib zog heev thiab nyuaj heev thiab feem ntau yog rau cov pojniam thiab cov neeg uas tsis yog neeg dawb ua coob yog los ntawm txoj kev pab IHSS uas nyiaj pab los ntawm qhov Medicaid, cov tsev tu neeg laus uas mob (skilled nursing) thiab cov tsev pab cov laus ua neej nyob (assisted living facilities), cov tsev private homecare agencies, los yog cov kev pab tu los ntawm tsev neeg uas lawv tsis tau nyiaj, thiab;

**Ntawm tias**, cov nyiaj them xuab moom nqe thiab tsis muaj txoj hau kev ntau txaus rau kev cob qhia nws tau tsim ib qho uas neeg tawm haujlwm coob heev rau hauv homecare thiab cov tsev laus thiab yuav txwv lwm cov neeg uas xav ua haulwm kom tsis txhob los, thiab;

**Ntawm tias**, nws yog ib qho tias California yuav tsum kom muaj li ntawm 600,000 mus rau 3.2 laab tus neeg pab tu neeg ua ntej 2030 es thiaj li yuav los mus muaj neeg pab txaus rau txoj kev pab ntawm homecare, thiab;

**Ntawm tias**, rau ntawm qhov muaj tshaj li 600,000 tus neeg ua haujlwm rau ntawm IHSS thiab cov private homecare agency nyob rau hauv lub xeev, nws tseem muaj neeg coob tshaj uas ua cov haujlwm pab tu neeg no uas lawv tsis tau nyiaj (unpaid caregivers), thiab;

**Ntawm tias;** California yuav tsum kom tau tsawg kawg li 15,800 tus Certified Nursing Assistants ntxiv ua ntej 2026, thiab;

**Ntawm tias,** kab li 1,100 lub tsev tu neeg laus ua mob nyob thoob lub xeev, 465 (42%) lub tsev tsis ua raws li CNA cov xuab moom yuav tsum kom tau muaj, thiab;

**Ntawm tias,** peb yuav txais tsis tau ntxiv lawm, hais txog nyiaj txiag thiab kev ua neej ncaj ncees nyob (morally), los cia peb cov neeg ua haujlwm rau ntawm IHSS, cov tsev tu cov neeg laus uas mob (skilled nursing) thiab private agency kom lawv tsis muaj kev tiv thaiv, kev cob qhia txaus, tsis muaj neeg ua haujlwm txaus, thiab nyiaj them tsis txaus, thiab;

**Ntawm tias,** nyob rau 2017, cov neeg pab tu neeg rau hauv lawv tsev neeg rau hauv California tau los mus pab li 4 billion xuab moom-laij los yog raug li \$63 billion-nqe los rau lawv cov niam txiv, cov txij nkawm, cov khub tsis yog niam txiv, thiab rau lwm cov neeg laus, thiab;

**Ntawm tias,** ntxiv nrog rau cov kev nyuaj (obstacles) rau ntawm los mus cuag rau cov kev pab rau ntawm kev pab tu neeg laus ntev mus, 56% ntawm cov neeg hauv California uas hnuv nyoog tshaj plaub caug yeej tsis muaj lub tswv yim tseg nyiaj los rau ntawm txoj kev pab tu neeg mob ntev mus, nrog rau peb caug xyha percent ntawm cov neeg hauv California uas yeej tsis muaj ib qho nyiaj tseg cia uas yuav muaj thau los pab them rau lawv txoj kev pab tu mob, txawm tias nws yuav tsum kom muaj ib qho kev yuav tsum kom muaj LTSS rau cov neeg laus laus thiab laus ib yam nkaus, thiab;

**Ntawm tias,** qhov uas yuav muaj cov neeg laus laus loj ntxiv tuaj mus uas yuav los mus raug rau California cov tsev neeg, ua rau tsis muaj nyiaj thiab muaj kev nyiaj siab los ntawm qhov tsis muaj txoj kev tu neeg mob ntev mus uas them taus thiab zoo.

**Vim yog li no, cia kom muaj tau tias:**

1. Kom los muaj txoj kev yeej thiab thawb tau peb daim Liaj Txheej ntawm Kev Ncaj Ncees mus peb yuav tau txiav txim siab los mus rhuav tawm cov kev nyuaj (barriers) rau laab laab tug neeg ua haujlwm ntawm txo kev pab tu neeg mob ntev mus kom los mus koom nyob tau rau ib lub union, ua li no thiaj li los mus txhawb dab zog (strengthening) thiab ua tau peb qhov kom muaj Kev Ncaj Ncees RAU SAWV DAWS loj tuaj mus. Peb yuav ua li no los ntawm:
  - a. *Kom Txoj Cai los Mus Tawm Suab Koom Tes Muaj Ntau Ntxiv Tuaj.* SEIU Local 2015 yeej txiav txim siab tau los mus hais lus txhawb (advocate) rau cov kev cai uas yuav los tshem cov kev nyuaj (barriers) rau cov neeg ua haujlwm rau ntawm txoj kev tu neeg mob ntev mus los mus muaj suab rau tom chaw ua haujlwm thiab los mus koom tes tawm suab.
  - b. *Los Mus Tsim Peb Lub Suab Rau Yam Peb Xav Tau (Movement).* Peb tau txiav txim siab los muaj tsim ib lub suab rau yam peb xav tau ntawm cov neeg ua haujlwm, cov neeg ntseeg (faith), zej zog, cov mob uas tsis taus haujlwm, thiab cov koos haum rau cov hluas uas yuav tsum kom muaj cov neeg ua haujlwm rau hauv txoj kev tu neeg mob ntev mus lawv muaj txoj cai los mus ua lub neej nyob uas saib taus thiab muaj peev xwm los mus sib koom tawm suab dawb paug tau.

- c. ***Kom Peb Lub Peev Xwm los Mus Koom Tes Tawm Suab Loj Zuj zus.*** SEIU Local 2015 yuav los mus nrhiav thiab tsim cov tswv cuab uas los mus tawm suab rau tiam tom ntej thiab kom cov koj ntawm cov tswv cuab muaj cov kev pab (tools) txaus uas yuav ua tau rau lawv yog ib cov neeg mus pab tau lwm cov neeg ua haujlwm uas tsis tau nyob rau lub union rau tom chaw ua haujlwm thiab hauv lawv lub zej zog los sib koom tes tawm suab.
2. SEIU Local 2015 cov tswv cuab tau txiav txim siab los mus yog ib co neeg tuaj koom tes uas nquag thiab tuaj tag li rau peb txoj kev kom pej xeem muaj suab (democracy), vim ua li no cov neeg ua haujlwm rau ntawm txoj kev tu neeg mob ntev mus rau hauv California thiaj li yuav tso tau lawv lub hwj chim ntawm kev ua kas moos tawm tuaj. **Peb yuav ua li no los ntawm:**
  - a. ***Los Mus Xaiv Cov Phaj Ej (Champions).*** SEIU Local 2015 tau txiav txim siab los mus xaiv cov phaj ej rau txoj kev pab tu neeg mob ntev mus, vim ua li no thiaj li yuav ua tau kom tag nrho cov neeg ua haujlwm rau hauv txoj kev pab tu neeg mob ntev mus hauv California los tau lub neej uas raug saib muaj nqes thiab hwm
  - b. ***Los Mus Pab Kom Muaj Txaus rau peb Captains ntawm Kev Kom Pej Xeem Muaj Suab thiab Cov Koj ntawm Tswv Cuab.*** SEIU Local 2015 tau txiav txim siab los mus kom cov Captains ntawm Kev kom Peb Xeem Muaj Suab thiab Cov Koj ntawm Tswv Cuab muaj cov kev pab (tools) thiab kev ntse/kawm (knowledge) txaus rau lawv los mus yog cov neeg (agents) ua tau haujlwm zoo heev rau ntawm txoj kev hloov nyob rau kev ua kas moos thiab zej zog.
  - c. ***Hais Lus Txhawb rau Kom Muaj Kev Tuaj Koom Tes Tag Nrho (Full).*** SEIU Local 2015 yuav ua haujlwm tauj mus rau ntawm qhov los mus rhuav cov kev nyuaj (barriers) thiab los mus txhawb ntxiv rau txoj kev kom muaj cov pojniam, cov neeg tsis yog dawb thiab cov neeg tuaj lwm lub teb chaws (immigrants) tuaj mus koom tes tag nrho rau peb qhov txheej txheem ua kas moos, uas muaj tabsis tsis yog tag li no; ntxiv kev kawm rau cov neeg pov npav, kev pab cuv npe rau cov neeg pov npav, kev pab tuaj sib koom tes rau cov neeg pov npav thiab kev los mus ua xam xaj meskas kom muaj ntau ntxiv tuaj.
  - d. ***Los mus nrhiav thiab Hais Kom Tau Cov Neeg Los Mus Sib Tw.*** SEIU Local 2015 yuav los ua haujlwm los mus nrhiav thiab cob qhia cov neeg ua haujlwm rau ntawm txoj kev tu neeg mob ntev-mus kom los mus sib tw tuav dej num (office) thiab los ua cov koj nyob rau lawv lub zej zog.
3. SEIU Local 2015 txhawb **Cov Kev Pab ntawm Txoj Kev Pab Tu Neeg Ntev Mus thiab Txhawb rau TAG NRHO COV NEEG HAUV CALIFORNIA.** Peb cov neeg laus laus thiab cov neeg uas mob ua tsis taus haujlwm yuav tsum los nyob tau laus zuj zus rau hauv lawv lub tsev nrog rau txoj kev uas kom saib muaj nqes, vim tias tsis muaj lawv thiab lawv tsev neeg yuav raug rau qhov tsis muaj nyiaj kiag li (bankruptcy) los yog los mus txais txoj

kev nyuaj siab rau ntawm kev nyiaj txiag, kom los mus pab tau rau yam lawv yuav tsum kom muaj txog txoj kev tu neeg mob ntev-mus.

4. SEIU Local 2015 pom zoo tias kom tag nrho cov neeg laus laus thiab neeg mob ua tsis taus haujlwm yuav los mus txais tau txoj kev pab tu mob ntev-mus raws li lawv toobkas rau ntawm qhov chaw lawv xaiv, Daim Ntawm/Lub Tswv Yim Tseem rau ntawm Hnub Nyoog yuav tsum los mus muab cov kev cai uas pom zoo yuav siv ntawd kom los mus teb tau cov lus xav tau los ntawm LTSS, nrog rau los mus teb qhov uas cov neeg ua haujlwm rau hauv txoj kev tu neeg mob ntev-mus no muaj tsawg, thiab yuav tsum kom muaj, tabsis tsis yog tag rau qho no, cov kev coj ntseeg (principles) muaj li ntawm no:

- a. ***Cov Haujlwm ntawm Union Muaj Zoo thiab Kev Sib Hais (Bargaining) Nyob Rau Ib Qhov Chaw/Txoj Kev (Centralized).*** Peb tau txiav txim siab rau txoj kev ncaj ncees ntawm neeg ua haujlwm (worker) thiab kev nrhiav noj haus (economic) thiab kom txoj kev los mus tau haujlwm zoo rau hauv lub unon muaj ntau ntxiv tuaj. Rau ntawm qhov los mus pab cov tsev neeg es ua haujlwm tawm ntawm txoj kev txom nyem thiab kom cov kev pab ntawm kev tu neeg mob ntev mus thiab cov kev uas pab muab kev sib txhawb kom zoo zuj zus, peb yuav pab tau kom cov neeg ua haujlwm rau ntawm txoj kev tu neeg mob ntev mus yuav los mus txais tau ib qho nyiaj them xuab moom uas nyob taus (living wage), cov kev pab mus kho mob (benefits) thiab nyiaj rau thaum so tsis ua haujlwm lawm (retirement) thiab kom muaj ib txoj hauv paus kev rau sawv daws siv (centralized) los mus ua kom lawv cov suab ntawm kev sib hais nrov tau loj ntxiv (magnify) rau hauv California.
- b. ***Kev Xaiv rau Tus Neeg Txais Kev Pab.*** Kom los mus nyob tau nrog rau txoj kev raug saib muaj nqes, cov neeg laus laus thiab cov neeg mob ua tsis taus haujlwm yuav tsum los mus txais kev pab tu rau qhov chaw ntawm lawv txoj kev xaiv.
- c. ***Kom Tau Ib Pob Nyiaj Pab Ruaj Khov.*** Kom los mus ceev muaj (maintaining) cov kev tu neeg mob ntev mus thiab cov kev pab ua muaj tej kev txhawb kom los tau nyiaj pab txaus nkaus nws yog yam tseem ceeb rau cov neeg txais kev pab ntawm peb, rau cov neeg pab tu neeg mob, thiab cov tsev neeg uas cov kev pab no yog los mus rau. Peb yuav tsum los tsim ib qho nyiaj pab kom khov kho rau cov kev pab ntawm txoj kev pab tu neeg mob ntev mus, nrog rau qhov kom hos tsis txhob ua tau ib qho kev nyuaj (pressure) ntxiv los mus rau lub xeev pob nyiaj.
- d. ***Ua kom tau li hais (Accountability) thiab Ua kom muaj kev dawb pawg (Transparency).*** Cov chaw/neeg uas ua haujlwm thiab tau nyiaj los ntawm cov kev pab rau kev tu neeg mob ntev mus thiab cov kev pab ua muaj kev txhawb yuav tsum kom cov nyiaj uas yog los ntawm pej xeev yog kom los mus siv rau txoj kev tu mob kom zoo thiab los mus daws qhov teem meem rau ntawm muaj neeg tsawg los ua haujlwm rau hauv txoj kev tu neeg mob ntev mus. Rau ntawm los mus hais cov chaw ua haujlwm (employers) thiab koos haum (agencies) kom lawv ua tau li lawv hais (accountable), peb yuav tiv thaiv tau peb cov neeg laus laus thiab yuav kom txhua tus neeg hauv California txais tau txoj kev pab tu mob uas zoo tshaj.

- e. *Ntau Txoj Kev Pab los mus Sib Koom Ua Ke.* Peb txoj kev pab uas tsis sib ua ke (fragmented) rau ntawm txoj kev pab tu neeg mob ntev mus rau hauv California nws yog ib qho kev nyuaj (obstacle) tseem ceeb rau cov neeg txais kev pab thiab cov neeg txais kev pab zoo ib yam. Thaum twg cov neeg txais kev pab lawv muaj kev nyuaj mus cuag tau txoj kev pab tu mob uas zoo, peb pab tsis tau zoo rau cov neeg uas muaj mob tshaj. Rau ntawm qhov los mus kho (refine) txoj kev pab kom los tsim ib qhov kev kom tej kev pab muaj no muaj los nyob ke (integration) rau thaum los mus muab cov kev pab no tawm, nrog rau qhov uas tseem cia tau rau cov neeg txais kev pab ntawd los mus xaiv, nws yuav los txhawb cov neeg txais kev pab no cov kev uas mus nrhiav/cuag tau tej kev pab (access) no, kom muaj nyiaj txiag txaus, kom khiav tau zoo, thiab kom cov neeg pab tu neeg mob yuav mus nrhiav tau cov kev pab no yooj yim.